



On all die Schusterjonges

Wenn mr met aule Lengtörper üwer de Schustere-i kallt, dann kömmt mr von selver op dr aule Schuster Hamacher. Natürlich op de ganz aule Hamacher von Marschells (Marzellis). To-u sinner Tied wor he dr enige Schuster en Lengtörp. Wenn och da- mols meistens Blottche gedrahe wuhden, su haht doch ji-eder e paar Schuhn vor dr Sonndag. De me-iste Schuhn, die en Lengtörp jedrahe wuhden, woren vom aule Hamacher gemakkt. Et woren jo kenn „Jimmy- Salamander“, wie se hütt hannt, et woren solide däfftige Schuhn, denn se mossden lang haule. Suh rasch joven et kenn nö-ie mieh.

Sonn Schusterstu-ef ut dr damolige Tied wor met en Schusterei von hütt nit te verjlieke. Alles, watt te donn wor, wuht met dr Hank jemakkt, denn Maschine jov et noch nit. Wie be-i all die angere Lütt, suh hing och en dr Schusterstu-ef en Petroleumslamp. Öm dat Le-ihnt te verstärke on anjenehm te mahke, hing för der Lamp en Jlasskugel met kloor Water. Op demm Schusterdösch stongen kle-ine Dösskes met kotte, dicke, ronge on eckige Nei-el, on en jrute Duhs stong drbe-i, do woren die höilte Penn drenn, die vor demm Jebruhk op de warme Owesplatt jeleiht wuhden, domett se drüsch woren. Onger demm Schusterdösch stong e Küwe met Water, en demm dat Leder lohr. Wenn dat Leder juht geweckt wor, wuhden de Soole druht jeschniede. Öm die Soole stark on hatt te mahke, wuhden se naht döchdech jekloppt. Je mieh datt jekloppt wuhd, desto hätter wuht die Sool.

„ Schusterjonges hant immer juhde Senn“ hant se schonn jesonge, wie ech noch en dr Scholl wor. Dobe-i wor et nit suh e-infach, Schusterliehrjong te spi-ele. Denn böss mr met dr Schuster-Süll on demm Peekedroht öm könnt jonn, krech he manche blaue Strieme mem Schusterrieme üwer dr Rückstrank.

Et ess en dr ganze Welt bekannt, dat de Schusterjonges nit immer de bravste woren. Äwwer wenn se och mol Nicksnozigke-ite on domm Stri-ek makken — se wuhden dann memm Schusterrieme widder jraht jesatt — on sinn doch anständige Börger jewohde.

On de Dommste woren et och nit .., denn am Schusterdösch könnt mr su juht üwer alles simmeliere....

Jean Frohnhoff am Kalter

